

Аллоҳ ўта ҳикматли Зотдир



19:00 / 15.07.2025 862

Аллоҳ таоло Ўзининг каломидида шундай марҳамат қилади:

﴿شَهِدُ شَيْءًا عَلَىٰ كُلِّ عَمَلٍ وَأَنْتَ عَلَيْهِمُ الرَّقِيبُ أَنْتَ كُنْتَ تَوَقَّيْتَنِي فَلَمَّا فِيهِمْ دُمْتُ مَا شَهِدَا عَلَيْهِمْ وَكُنْتُ وَرَبِّكُمْ رَبِّي اللَّهُ أَعْبُدُوا أَنْ يَدَّ أَمْرَتِي مَا إِلَّا لَهُمْ قُلْتُ مَا﴾

«Мен уларга Ўзинг менга амр қилган нарса - «Менинг Роббим ва сизнинг Роббингиз Аллоҳга ибодат қилинг»дан бошқани айтганим йўқ. Ва модомики, ораларида эканман, уларга гувоҳ бўлдим. Мени Ўзингга олганингдан сўнг Сенинг Ўзинг уларга кузатувчи бўлдинг. Зотан, Сен ҳар бир нарсага гувоҳсан» (Моиди сураси, 117-оят).

Демак, Ийсо алайҳиссалом насороларга «Мен ҳам, сизлар ҳам Аллоҳнинг бандаларимиз ва ҳамиша Унга ибодат қилиш зарур», – деб айтганлар. Ундан бошқа гапни айтмаганлар. Яъни, «Мени Худо қилиб олинглар», – демаганлар. Ийсо алайҳиссалом яна бошқа ишлар ҳам қилганлар:

«Ва модомики, ораларида эканман, уларга гувоҳ бўлдим».

Яъни «Қилган ишлари, айтган гаплари ва бошқа нарсаларига гувоҳ бўлдим. Жумладан, Сенинг амрингни қандай қабул қилишларига гувоҳ бўлдим. Менинг улар ичида бўлган вақтимдаги гапларим шулардан иборат. Мен худолик даъвосини қилганим йўқ. Мендан кейин нима бўлганини Ўзинг биласан».

«Мени Ўзингга олганингдан сўнг Сенинг Ўзинг уларга кузатувчи бўлдинг. Зотан, Сен ҳар бир нарсага гувоҳсан».

﴿الْحَكِيمُ الْعَزِيزُ أَنْتَ فَإِنَّكَ لَهُمْ تَعَفَّرُونَ وَإِنْ عِبَادُكَ فَاتَّبَعْتَهُمْ تَعَدَّ لَهُمْ إِنْ﴾

Агар уларни азобласанг, бас, албатта, улар Сенинг бандаларинг. Агар уларни мағфират қилсанг, бас, албатта, Сен Ўзинг ўта иззатлисан, ўта ҳикматлисан» (Моида сураси, 118-оят).

Яъни, «Ҳамма нарса Ўзингнинг қўлингда, нима қилишни Ўзинг биласан».

«Агар уларни азобласанг, бас, албатта, улар Сенинг бандаларинг».

Сендек қилган ишидан сўралмайдиган Зот Ўз бандаларидан хоҳлаганини хоҳлаганича азоблайверишга ҳақли.

«Агар уларни мағфират қилсанг, бас, албатта, Сен Ўзинг ўта иззатлисан, ўта ҳикматлисан».

Азизлигингдан Сен қилмоқчи бўлган ишга ҳеч ким тўсиқ бўла олмайди. Ҳақимлигингдан Сен қилган ишни ҳеч ким беҳикмат, дея олмайди.

Келаси ояти каримада ниҳойи ҳукм қандай бўлиши ҳақида сўз кетади.

﴿الْعَظِيمُ الْفَوْزُ ذَلِكَ عَنْهُ وَرَضُوا عَنْهُمْ اللَّهُ رَضِيَ أَسْبَابُهَا خَلْدِينَ الْأَنْهَارُ تَحْتَهَا مِنْ مَجْرَى جَنَّتْ لَهُمْ صِدْقُهُمُ الصَّالِحِينَ يَنْفَعُ يَوْمَ هَذَا اللَّهُ قَالَ﴾

«Аллоҳ: «Бу - ростгўйларга ростгўйликлари манфаат берадиган кун. Уларга остларидан анҳорлар оқиб турган жаннатлар бор, уларда мангу қолувчидирлар. Аллоҳ улардан рози бўлди. Улар ҳам Аллоҳдан рози бўлдилар. Ана ўша буюк ютуқдир», - деди» (Моида сураси, 119-оят).

Оятдаги «ростгўйлар»дан мурод иймони содиқлардир. «Кун»дан мурод эса қиёмат кунидир.

«Бу - ростгўйларга ростгўйликлари манфаат берадиган кун».

Аллоҳ таолонинг таъкидлашича, қиёмат кунида иймонлиларга иймонлари манфаат беради. Мазкур манфаат қуйидаги шаклда зоҳир бўлади.

«Уларга остларидан анҳорлар оқиб турган жаннатлар бор, уларда мангу қолувчидирлар».

Яъни, қиёмат куни иймонлиларга дарахтлари остидан анҳорлар оқиб турган жаннатлар бор. Улар мазкур жаннатларда абадий қолурлар.

«Аллоҳ улардан рози бўлди. Улар ҳам Аллоҳдан рози бўлдилар. Ана ўша буюк ютуқдир», - деди».

Бундай бўлишида ҳеч шубҳа йўқ.

«Тафсири Ҳилол» китоби асосида тайёрланди

Ўзбекистон Республикаси Дин ишлари бўйича қўмитанинг 2024 йил 22 октябрдаги 02-07/6395-рақамли хулосаси асосида тайёрланди.